

## CONVOCATORIA 2019 PARA PROXECTOS DE COÑECEMENTO DA REALIDADE [PCR]

### INTRODUCCIÓN

Dende Arquitectura sen Fronteiras valóranse os Proxectos de Coñecemento da Realidade [PCR] como unha oportunidade para todo o estudiantado da universidade de participar en proxectos de cooperación internacional nos países en vía de desenvolvemento. Neste senso, os PCR constitúen un elemento clave de colaboración directa entre a comunidade universitaria e as ONGD, creando así toda unha serie de sinerxias relacionadas coas capacidades técnicas, culturais e económicas de ambos axentes en favor da mellora das condicións de vida das poboacións máis desfavorecidas.

O obxectivo principal do programa é que as persoas participantes leven a cabo un traballo de investigación e/ou acción-participación que lles permita mellorar as súas capacidades técnicas, así coma un coñecemento da realidade das comunidades coas que se traballa nos países do sur, que fortaleza o seu pensamento crítico e a súa percepción da realidade de inxustiza global.

Os PCR móstranse tamén coma unha ferramenta de sensibilización clave e eficaz para concienciación entre o noso entorno da situación de desigualdade social e económica, a través da realización de actividades de sensibilización e da transmisión da propia experiencia por parte dos participantes. Por isto, é preciso vincular a participación neste programa de coñecemento da realidade á realización de actividades académicas e investigadoras no eido da universidade.

### OFERTA DE PRAZAS

Arquitectura Sen Fronteiras ofrece a estudantes universitarios, con especial preferencia nas persoas voluntarias da nosa demarcación de Galicia, que teñan interese no mundo da cooperación no eido da habitabilidade básica, a oportunidade de realizar unha estada en terreo co apoio de Arquitectura sen Fronteiras - Galicia. Con este propósito publicamos a presente convocatoria para incorporar persoas voluntarias a proxectos a executar en GUATEMALA.

Os bolseiros e bolseiras colaborarán directamente coas persoas técnicas da organización trasladadas ao terreo, a contraparte local e as propias persoas beneficiarias, desempeñando tarefas propias do traballo de cooperación ao desenvolvemento que se complementen co desenvolvemento da actividade curricular persoal do/a estudante.

nome	país	zona	duración	data inicio
Proxecto de Coñecemento da Realidade	Guatemala	Retalhuleu	De 1-3 meses	Xullo/Novembro

A concesión da convocatoria está condicionada á obtención do financiamento a través da [convocatoria de PCR da UDC](#), que inclúe o billete de avión (ida e volta), o seguro da viaxe (accidentes e enfermidades) e achegas derivadas da manutención. ASF corre cos gastos de aloxamento na zona de intervención (Retalhuleu).

Convocatoria do programa de coñecemento da realidade [PCR] 2019 de ASF-Galicia

### **COMPROMISOS DE ASF-E GALICIA**

Os compromisos de ASF-E Galicia coas persoas bolsieras será o seguinte:

- Redacción dunha CARTA DE PRESENTACIÓN en que a organización expresará claramente o interese en que o alumnado realice o PCR.
- Proporcionar á persoa voluntaria información detallada sobre os antecedentes da asociación na zona de traballo.
- Impartir formación precisa para os traballos a realizar.
- Facilitar información e recursos para a elaboración de traballos curriculares

### **COMPROMISOS XERAIS DOS/AS SOLICITANTES**

Do mesmo xeito, as persoas solicitantes terán as seguintes obrigas:

- Firma con ASF do compromiso de PCR antes da estancia no que se detallarán todas as condicións da mesma.
- Compromiso de realizar as actividades propostas na estancia.
- Dispoñibilidade para a formación previa tanto da OCV como de ASF.
- Compromiso de permanencia na asociación de polo menos un ano, traballando no grupo vinculado á actividade no que desenvolveu a estancia e nas actividades de sensibilización propostas relacionadas coa mesma: charlas en cursos de ASF, na Universidade da Coruña, entrevistas...
- Participación activa nas ferramentas de difusión da OCV e de ASF
- Elaboración dun informe final da experiencia a entregar como moi tarde 20 días naturais despois do regreso e informes periódicos das actividades na súa estancia a través de ferramentas de bitácora.
- Entrega á OCV da xustificación económica como moi tarde 10 días naturais despois do regreso que inclúa facturas orixinais do desprazamento e da contratación do seguro de accidentes e enfermidade.
- Participación en actividades de sensibilización da OCV.

### **PROXECTOS A EXECUTAR**

Os proxectos de cooperación internacional ao desenvolvemento a executar en Guatemala son os seguintes:

- **Proxecto Ban Chuinklal de mellora das condicións de acceso a un hábitat domiciliar saudable da poboación mais vulnerable do departamento de Retalhuleu, Guatemala, con énfase nas mulleres viúvas ou solteiras a través dun proceso colaborativo entre comunidades, autoridades municipais, organizacións sociais e cooperativas, fase 5.** Neste proxecto traballamos coas nosas contrapartes ASIAPRODI e FODHAP continuando a construción de novas vivendas e a formación ás persoas participantes en hábitos domiciliarios saudables e mecanismos de produción social do hábitat.



- **Proxecto de mellora da calidade educativa con pertinencia cultural e de xénero para a garantía dos dereitos da infancia e xuventude, municipio de Champerico, Guatemala, Fase 4.** Neste proxecto traballamos coas nosas contrapartes ASIAPRODI e PRODESSA na mellora das infraestruturas da Escola de Victorias III. A labor de ASF levada a cabo no 2018 centrouse na construción de unha escola na comunidade de El Manchón, as tarefas para este ano son dar seguimento as labores docentes e a construción de 2 aulas e un comedor.

Máis información sobre os proxectos e a experiencia de anteriores persoas bolseiras PCR na paxina web <http://www.galicia.asfes.org/category/cooperacion-internacional/pcr/>

### DESCRIPCIÓN DAS ACTIVIDADES

O traballo que realizarán as prazas ofertadas nesta convocatoria encadrase dentro dos proxectos desenvolvidos actualmente pola demarcación territorial de Galicia. Así mesmo realizarán tarefas de apoio o traballo realizado por ASF, de forma paralela á investigación ou traballo académico.

As accións de apoio centrarse nestas funcións:

1. **Acompañamento ás actividades dos proxectos enriba mencionados, en concreto:**
  - a. Acompañamento nas obras
  - b. Acompañamento en obradoiros e actividades do proxecto
  - c. Apoio no seguimento do proxecto
2. **Actualización do blogue de ASF-E en Guatemala.**
3. **Actualización do blogue PCR**

### PERFIL REQUIRIDO

En todo caso, priorizarase a participación de persoas voluntarias activas en ASF-E Galicia, preferiblemente do grupo de traballo de cooperación internacional, cunha traxectoria de voluntariado de polo menos 3 meses.

#### Criterios de valoración das persoas candidatas:

##### **Formación complementaria (máx. 40 puntos):**

- Cooperación ao desenvolvemento (máx. 15 puntos).
- Voluntariado ou proxectos sociais (máx. 10 puntos).
- Habitabilidade básica (máx. 10 puntos).
- Comunicación, xestión de redes sociais e blogues, difusión de actividades, fotografía, vídeo, ou similares (máx. 5 puntos).

##### **Experiencia en voluntariado (máx. 30 puntos):**

- Ser persoa voluntaria de ASF. Darase prioridade a aquelas persoas do grupo de cooperación internacional cunha traxectoria polo mesmo de tres meses (máx. 20 puntos).

Convocatoria do programa de coñecemento da realidade [PCR] 2019 de ASF-Galicia

- Outras experiencias en voluntariado social (máx. 10 puntos)

**Pertinencia do traballo vinculado ao recoñecemento curricular da estadía (máx. 10 puntos)**

**Entrevista persoal (máx. 20 puntos)**

**Ser persoa socia de ASF (máx. 2 puntos)**

### **SOLICITUDE**

As solicitudes deberán enviarse antes do día **6 de marzo ás 14:00h** o e-mail **gtguatemala.gal@asfes.org** ou presentarse no local de ASF-E Galicia, planta 2 da ETSAC, Campus da Zapateira, 15071, A Coruña.

A documentación requirida para a súa validación será a seguinte.

1. CV cos datos mais relevantes para a praza e coas actividades afíns realizadas.
2. Carta de motivación persoal para a participación na convocatoria.

As persoas seleccionadas en base ao curriculum poderán ser convocadas a unha entrevista persoal o 12 de marzo. A resolución da convocatoria farase pública antes do 13 de marzo.

Posteriormente á selección, as persoas candidatas seleccionadas deberán, conxuntamente co grupo de traballo de Guatemala, elaborar a proposta de Proxecto de Coñecemento da Realidade detallando os traballos a realizar na estadía, paralelamente aos propostos nesta convocatoria.

En A Coruña, a 26 de febreiro de 2019